



---

## **KERATAN AKHBAR DAN MEDIA ONLINE UNTUK MAKLUMAN :**

**Y.B. MENTERI  
Y.B. TIMBALAN MENTERI  
Y.BHG. KSU  
Y.BHG. TKSU (PDN)  
Y.BHG. TKSU (PPP)  
SETIAUSAHA AKHBAR**

---

**16 DISEMBER 2022 (JUMAAT)**



---

---

## **KERATAN AKHBAR DAN MEDIA ONLINE (KPDN)**

---

---

**16 DISEMBER 2022 (JUMAAT)**

# Kerajaan kaji pelbagai cadangan program subsidi

**Langkah bantu kurangkan beban perbelanjaan, kenaikan kos sara hidup rakyat**

Oleh Suraya Ali  
suraya.ali@bh.com.my@

**Kuala Lumpur:** Kerajaan sedang mengkaji pelbagai cadangan dan pendapat berkaitan program subsidi bagi memastikan rakyat mendapat manfaat terbaik khususnya dalam membantu mengurangkan beban perbelanjaan.

Menteri Perdagangan Dalam Negeri dan Kos Sara Hidup, Datuk Seri Salahuddin Ayub, berkata antara cadangan diterima itu termasuk berkaitan pemberian tunai kepada golongan sasar seperti B40 dan M40.

Selain itu, katanya beliau turut menerima banyak cadangan berasas hasil pertemuannya bersama Pengarah Urusan Kumpulan Mydin, Datuk Dr Ameer Ali Mydin baru-baru ini.

"Baru-baru ini saya bertemu dengan Pengarah Urusan Kumpulan Mydin dan beliau ada memberikan banyak cadangan yang baik serta dikatakan mampu memberi penjimatan kepada kerajaan

pulan Mydin dan beliau ada memberikan banyak cadangan yang baik serta dikatakan mampu memberi penjimatan kepada kerajaan.

"Kita akan kaji semua cadangan dan pandangan," katanya ketika dihubungi.

Sebelum ini, Ameer Ali yang juga yang juga Presiden Persatuan Peruncit Bumiputera (BRO) memaklumkan kerajaan perlu menghapuskan pemberian subsidi khususnya membabitkan minyak masak serta telur dan menggantikannya dengan subsidi bersasar menerusi pemberian tunai bulanan untuk golongan B40.

Langkah itu, katanya, dapat menjamin situasi 'menang-menang' untuk semua pihak dan

mengurangkan beban kerajaan untuk menanggung subsidi.

## Perjelas kekeliruan

Dalam pada itu, Salahuddin ketika mengulas mengenai isu minyak masak yang dikatakan dijual mahal melebihi harga runcit maksimum ditetapkan, berkata semakan mendapati ia berpunca kekeliruan kerana minyak sawit campuran pelbagai jenama tidak termasuk dalam senarai barang dikawal harga.

Justeru, beliau mengingatkan pengguna jika terlihat minyak masak dijual lebih daripada harga maksimum, semak dahulu sama ada ia adalah minyak sawit tulen atau campuran.

Mengulas lanjut, katanya, buat masa ini kerajaan sudah

mula menurunkan harga minyak masak sawit tulen kemasan botol lima kilogram kepada RM30.90 berbanding RM33.95 sebelum ini.

"Semak dahulu label minyak masak, bahannya pastikan minyak sawit tulen dan harga mestilah RM30.90 dan tidak lebih... jika ada yang dijual melebihi harga ditetapkan, pengguna boleh membuat aduan," katanya.

Berdasarkan purata harga minyak sawit mentah dunia (CPO), kerajaan menetapkan harga runcit maksimum minyak masak bagi tempoh 8 Disember hingga 7 Januari 2023 pada RM6.90 untuk paket sekilogram, diikuti RM13.30 untuk kemasan botol dua kilogram (kg), RM19.60 bagi 3kg dan RM30.90 bagi 5kg.

Sebelum ini, Perdana Menteri, Datuk Seri Anwar Ibrahim mengarahkan jabatan kerajaan merangka serta membangun kaedah bersesuaian bagi melaksanakan subsidi bersasar dengan mengambil kira kepentingan pengguna dan industri.

Pada masa sama, Perdana Menteri berkata Malaysia mesti menyalurkan semula subsidi pokok yang turut memanfaatkan golongan kaya dan konglomerat ke arah menopang kumpulan B40, M40 dan peniaga kecil yang amat terkesan dan memerlukan.

**Baru-baru ini saya bertemu dengan Pengarah Urusan Kumpulan Mydin dan beliau ada memberikan banyak cadangan yang baik serta dikatakan mampu memberi penjimatan kepada kerajaan**

**Salahuddin Ayub,  
Menteri Perdagangan Dalam Negeri dan Kos Sara Hidup**



HARI : JUMAAT  
TARIKH : 16/12/2022  
M/SURAT : 18

